



Orator Christianvs Caroli Regii E Societate Iesv

Reggio, Carlo

Romæ, 1612

Pro his, qui pagis conciones habent. cap. 13.

[urn:nbn:de:hbz:466:1-68672](#)

quærat à viris prudentibus de rebus quæ in commune viles concionibus esse possint, quæ peccata eo loci magis correctione indigeant, quæ pietatis opera possint commendari. Tam salutare consilium dabat noster B. Pater Xauerius, quem Indorum Apostolum ritè vocare possumus, in quibusdam litteris ad Patrem Gasparem Barsæum, egregium Concionatorem in hæc verba: Si ignotum in oppidum veneris, prima cura erit ex probata fidei, & virtutis viris cognoscere oppidanorum, incolarumq; vitia & negotia inibi contrata. Caput quippe est ad homines iuandos gentis vniuersæ ingenium, ac mores nosse, & quoad liceat, singulorum morbos animorum, qui dissident inter se, qui inimicitias gerant, qui fraudes, quæ iudiciorum iniquitas, quæ fides testium, quæ Iudicum corruptio, & ab ijsdem viris peritis & prudentibus inquirere, qua tandem oporteat incedere via ad illorum mores, mentesq; sanandas; monebat etiam Concionatorem, vt eorumdem quorum saluti vult consulere, sensus, mores, honestaq; vita, impedimenta perspiciat & agnoscat, hoc dicebat esse viuos lexitare libros, docentes multa, quæ in mortuis libris nequaquam reperias.] Postremò etiam illud hic aduertat Concionator, ne omnibus facile præbeat aures, neque omnes consulat, sed aliquos viros graues secreto. Neque enim est utile si id diuulgetur, propterea neque in concione se quipiam ab alijs accepisse significabit. Apponat huic doctrina sigillum August. qui docet pro personarum diuersitate variandam, & temperandam esse orationem, vbi etiam additum modum orationis huius variae à charitate dictari. Ipsa, inquit, charitas alios parturit, cum alijs infirmatur, alios curat, edificare, alios contremisceit offendere, ad alios se inclinat, ad alios se erigit, alijs blanda, alijs severa, nulli inimica, omnibus mater.]

Pro his, qui in Pagi Conclaves habent. Cap. XIII.

Vltimum præceptum, quod proxima obseruatione iam dicebamus latè admodum patet, idcirco explicandum distinctius erit per partes. Sunt enim quædam Auditorum genera adeo inter se diuersa, vt peculiarem quandam in Oratore prudentiam, & industriam requirant. Quid enim tam diuersum, quæm conacionari, vel in rusticorum pagis, vel in Principum aulis. Separatim igitur de vtroque hoc gene-

re an-

re antequam ad alia hominum genera progrediamur, dicendum est aliquid, ut nostri Oratoris ubique labor cum fru-
tu sit.

Qui Apostolicum euangelizandi munus exercet, si offeratur occasio, vt ad Vrbes non magni nomini, vel etiam in pagos rusticorum mittatur, diuinam sementem facturus, deginari nequaquam debet huiusmodi hominum salutem, & animarum conuersionem, pro quibus Dei filius animam suam, posuit. Imò vt alibi docuimus, oblatam à Deo sibi occasionem summa promptitudine voluntatis complecti, quamuis enim talia loca minus plausus habeant, tamen in his sāpe plus utilitatis cum minori difficultate, ac labore colligitur, quam ab his qui in aulis Principum conciones habent. Adde quod maior est apud simplicem plebem, & humilitatis, & omnium virtutum occasio, in aulis verò ingens periculum, ut mores aulici addiscantur. Ac de pagis hāc dixerim. Primo multum refert, vt tempus quo fit missio ad pagos, & hūi simodi loca sit oportunum, & commodum incolis, nam tempore messium colligendarum, aut vendemīa, aut alijs temporibus, quibus occupantur suis operibus vix vacuas aures prebebunt admonitionibus. Nec sine causa Spiritus sanctus illam prudentiæ regulam docuit, Scribe verbum in tempore vacuitatis; eodem modo debent feligi hora magis accommodata, in quibus facilius, & cum minori damno negotiorum, domesticorum possint ad templum conuocari, diebus verò festis non solum mane, sed etiam à prandio iterum inuitari possunt, vt conueniant quo tempore aliquid tradi poterit, quod ad instructionem practicam vita Christianæ, vel ad catechesim pertineat, præcepta Decalogi, aut vitia capitalia, vel aliquid simile declarando. Secundo curet quimittitur, vt habeat literas (vt vocant) commendatitias Episcopi, sub cuius cura locus est, vel Vicarij generalis, quæ tanto utiliores erunt, quanto benigniores. Proderit valde, vt experientia compertum est aliquod deferre Indulgenciarum diploma, quez communicentur ijs, qui ad sermones, ad doctrinam Christianam, ad confessiones accendent. Tertio, illud item curet, vt in Pago gratiam Archipresbyteri, & Sacerdotum qui ibi commorantur, & aliquorum secularium, qui sunt eo loco pri marij sibi conciliet; horum enim opera, & amicitia plurimum iuvare successum potest, & plurimum si absit impedire. Quarto, vtile erit si possit habere Templum domicilio suo vicinum,

cinum, nam & commodius qui necessitatis spiritualis gratia, eius opera vti volent, & cum maiori libertate accedēt, quam si cum alijs oppidi Sacerdotibus, & Parocho degat. Quin-

Notitia loci. to, quod generatim supra docuimus, & hic locum habet, vt

cognoscat prudens Christi p̄r̄eo ex illis peritis, ac fide di-
gnis quānam spiritualia emolumenta possint eo loco percipi,

tum in catechesi instituenda, tum in inducenda Sacramen-
torum frequentia; an sint aliquāe inimicitiae, & qua via paxcō-

ciliari possit; an & quāe virtia ibidem vigeant, quāe adhiberi
possint remedia. Sexto, instituat vsum Doctrina Christiana

edocendā, si ibi non sit, vel conetur erigere iacentem, ac pro-
mouere viam, & rationem docendi, qua utile exerceatur,

atque vt institutio sit firma; utile est curare (quod paucum
in Italia videmus) vt Oratorium aliquod, aut Congregatio

huic sancto operi patrocinetur ac p̄f̄sit, & ipsemet interim
conuocet in aliquod templum, pueros doceat, exerceatque,

vt exemplo suo alios ad idem opus utilem obendum inci-
Opera pia. tet simul, & erudit. Septimo, si pium aliquod sodalitium

ibi sit aliquo modo collapsum, facilius fortasse erit, ac fru-
ctuosius instaurare, quam nouarum Sodalitatum fundamenta

iacere p̄f̄sertim si addatur lex aliqua ad maiorem fructum
spiritualem, vt esset statim temporibus Sacramentorum vlus

& Nosocomia inuisendi, componendi paces, vel quid simile,
maximē ei regioni necessarium. Octavo, utile est conciliato

sibi ante Magistro, adire interdum si ibi sit, literarium ludum,
& habere conciunculas alias ad ipsos discipulos, explican-

do quāe eos scire oporteat circa Dei cultum ac venerationē,
circa parentum obedientiam, circa conuersationem, mode-

stiam, & Christianam indolem. Nono, non videtur utiles val-
Quantū im-
morandum. de illa missio, quāe post duos, vel tres dies absolvitur, p̄f̄ser-
tim si locus habeat multitudinem hominum, est enim talis

visitatio similis repentina imbris, qui solam terra superficiem
leuiter aspergit, neque eam fecundat vt gerinet. Pro ra-

tione igitur multitudinis & spiritualium negotiorum diutius
est immorandum. Quod si ē diuersis Pagis mittantur, qui

nostrum laborem exigant, p̄f̄stat apud eos diuertere, a qui-

bus spiritualis prouentus vberior expectatur, quād omnes
cursim perugare, ne curiositati potius, quam animabus stu-

dere videamur. Decimo, materia quas magis tractare ope-

De quibus
materijs agē
dū in pagis. tet in his locis, & ad quas antequam adiret, comparare se
debuit, sunt eāe quāe ad renouationem spiritus, & ad vitia

ex tir-

extirpanda pertinent. Agat de ijs præceptis Decalogi, quæ pro notitia, quam percipere potuit magis necessaria incolis indicabit, ac ferè omnia vbiique videntur inculcanda. Item de præceptis Ecclesiæ, de Sacramento Confessionis, explicando quæ confessiones sint validæ, vel inualidæ, atque integrandæ, & invitando ad eas; si qui abusus ibi sint in Matrimonio contrahendo moneat. Agat de oratione frequentanda, doceat; modū aliquem orādi facilem, mane ac vespere, & diebus festis, & modum recitandi Rosarium, doceat examen conscientiæ, devotionem Beatissimæ Virginis, Angeli Custodis & Sanctorum. Seriò agendum de castitate, atque honestate, de amore mutuo, de dilectione inimicorum, de remittendis iniurijs, querendo remedia ad id præstandum, accomodata genti, castiget vitia incolis frequentia. Solent autem

Vitia rusti-
canorum.

ruffianis hominibus hæc esse frequentiora blasphemia, furta, superstitiones, diei festi violatio, Missæ, vel nulla, vel malæ auditio, maledicta, imprecações, mendacia, periuria, querela de Deo ob suam inopiam, choreæ, colloquia vanæ, & irreuerentia in templis. Solent in alienos agros innaffiare animalia, & damna inferre, vendere pluris æquores, decipere si quem possint, optare aliena, opera non facere fideliter, & agros dominorum non perinde, ac debent exercere. Materia de nouissimis est his locis accomodata, præfertim de morte, & vniuersim loquendo, quæ pertinent ad viam purgationis. In his autem rebus tractandis ac docendis, accomoder sermones captui, & vtilitati auditorum; adhibeat similitudines, discat à Christo, qui adeò frequentes miscebat parabolæ, & ex rebus obnisijs petitas vinearum, agrorum, seminis, torcularis, zizaniæ, gallinæ, fermenti, niuis, glaciei, arborum, &c. Afferat exempla tum vera, tum apta, hæc enim plurimum pro his locis valent, non misceat ficta miracula, trubescat omnino ea dicere, quæ audientes non capiunt. Undecimo denique curare debent Concionatores his maximis locis, ut plus exemplo, quana verbis se se Doctores præbeant, ut populi simplices, ac rudes, magis videndo, quam audiendo instruantur, dum vident eos in laborum tolerantia bene patientes, in amore, & charitate erga omnes, benignos, vixi moderato contentos, & parco; non querere qua sua sunt, sed qua Iesu Christi, & commoda spiritualia eorum optare, non sua lucra. Hæc autem tota instrucio ad eos postissimum dirigitur Religiosos, & Sacerdotes, qui ex obedien-

Modus con-
cionandi in
Pagis.

Exemplum
vitæ ac mo-
rum.

tia mittuntur ad animas lucrandas, vel ex charitate sincera id sibi operis depositum; nam experientia constat nos aliquos Concionatores, hæc loca ambire non hoc consilio, sed lucri alicuius temporalis gratia, qui quidem optandum esset, ut quo magis inopia urgentur rectè intentionem disponerent, & Christo freti, qui dixit: Quærite primum Regnum Dei, & iustitiam eius, & hæc omnia adiicientur vobis, toti in spirituale populorum adiumentum incumbenter, verumtamen, passim in eo peccatur; sæpè audiuimus multa oppida horum affectatis concionibus, & malis exemplis non solum adiuvari, sed grauiter offendere. Episcoporum esset occurrere, ne nisi viris probata vita, idoneaque doctrinae, ac maturi iudicij, huiusmodi functiones imponerentur, sed iam abeamus ex pagis in aulas.

Pro bis qui in Principum aulis concionantur.

Cap. X I V.

Primum omnium qui in aulis Principum hoc munus exercet, sanctæ solitudinis quantum poterit, memor sit, numquam spectetur in aula & Palatio, numquam cum Principe, nisi quando accersitur, vel negocium graue urget, quod ad Principis salutem, aut aliter ad diuinam gloriam spectet. Neque cum aulicis multum temporis ponat, tum quia familiaritas contemptum parit, tum ne temporis adeo præfios iacturam faciat, ut custodiae sui, rebusq; diuinis, ac studiis vacet; dum autem cum ijs agit, ostendat se tamquam patre, & spiritualium rerum magistrum, pia colloquia serat, ad Confessiones adhortetur, & aliæ Christianæ vita exercitia, data occasione, explicet; talis sit ut qui ad eum venerint magis ob fructum aliquem animæ suæ, quam ob alias causas acedant. Secundo, in concionibus vitet plurimum, nec noret, reprehensio aut describat vitia Principis, exulceraret enim id Principem, vilemque eius auctoritatem, & odiosum ipsum popularibus redderet, esset autem ex re, captata sagaciter occasione ex Scripturis sacris vel prophanicis explicare aliqua loca, in quibus virtutes commendantur contrariae vicijs, quibus ille subest; hoc enim cum minori scandalo auditur, & sine rubore, ab eo, qui tali commonitione indiget. Exempla etiam Principum quæ bene se gesserunt, vel inter Christianos, vel inter Ethnicos honestius afferuntur. In quibus etiam cautè agendum,

Nimia con-
fuetudo cū
aulicis fugie-
da.

Prudentia in-
reprehensio-
ne.